


Bosna i Hercegovina
Federacija Bosne i Hercegovine
Hercegovačko – neretvanski kanton
Fond za zaštitu okoliša



Bosnia & Herzegovina
Federation of Bosnia & Herzegovina
Herzegovina - Neretva Canton
Environmental Fund

P R A V I L N I K
O USLOVIMA KOJE MORAJU ISPUNJAVATI KORISNICI SREDSTAVA
FONDA ZA ZAŠTITU OKOLIŠA HERCEGOVAČKO – NERETVANSKOG
KANTONA

Mostar, juli 2013. godine

Na osnovu člana 25. stava (4) Zakona o Fondu za zaštitu okoliša Hercegovačko – neretvanskog kantona („Službene novine HNK“, broj: 6/12) i člana 44. stav (1) tačka 4) Statuta Fonda za zaštitu okoliša Hercegovačko - neretvanskog kantona („Službene novine HNK“, broj: 9/12), Upravni odbor Fonda za zaštitu okoliša Hercegovačko – neretvanskog kantona, je na prijedlog direktora Fonda, na 3. sjednici održanoj 03.07.2013. godine, d o n i o

P R A V I L N I K
O USLOVIMA KOJE MORAJU ISPUNJAVATI KORISNICI SREDSTAVA
FONDA ZA ZAŠTITU OKOLIŠA HERCEGOVAČKO – NERETVANSKOG
KANTONA

Član 1.

Ovim Pravilnikom propisuju se opći kvalifikacijski uslovi koje moraju ispunjavati korisnici sredstava Fonda za zaštitu okoliša Hercegovačko – neretvanskog kantona (u daljnjem tekstu: Fond).

Član 2.

- (1) Korisnici sredstava Fonda mogu biti pravna i fizička lica koja ulažu sredstva u programe, projekte i slične aktivnosti u području očuvanja, održivog korištenja, zaštite i unapređivanja okoliša i energetske efikasnosti.
- (2) Pod pravnim licima iz stava (1) ovog člana, podrazumijevaju se organi državne uprave, jedinice lokalne samouprave i subjekti koji su registrovani kod nadležnog suda, odnosno nadležnog organa uprave.
- (3) Pod fizičkim licima iz stava 1. ovog člana, podrazumijevaju se fizička lica koja su registrovana kod nadležnog organa uprave za obavljanje djelatnosti iz oblasti zaštite okoliša.

Član 3.

- (1) Sredstva Fonda mogu ostvariti pravna i fizička lica iz prethodnog člana ovoga Pravilnika ukoliko dostave dokaze o ispunjavanju uslova objavljenih u javnom konkursu za korištenje sredstava Fonda.
- (2) Uslovi koji će biti objavljeni u Javnom pozivu moraju biti usklađeni sa ovim Pravilnikom.

Član 4.

- (1) Pod općim kvalifikacijskim uslovima koje moraju ispunjavati korisnici sredstava Fonda, podrazumijevaju se:
 - da nije pod stečajem ili likvidacijom, ili da nije je ušao u određeni aranžman s povjeriocima, ili da nije obustavio ili ograničio poslovne aktivnosti, ili bilo kojeg drugog sličnog postupka u skladu s relevantnim zakonima i propisima u Bosni i Hercegovini;
 - da nije predmet postupaka za proglašenje stečaja, za izdavanje naloga za prisilnu likvidaciju ili postizanja sporazuma/aranžmana s povjeriocima, ili bilo kojeg drugog sličnog postupka u skladu s relevantnim zakonima i propisima u Bosni i Hercegovini ili u zemlji u kojoj je registriran;
 - da nije osuđen u sudskom postupku za kršenje zakona u smislu njegovog poslovnog ponašanja u periodu od pet godina, koji je prethodio datumu podnošenja zahtjeva;

- da nije proglašen krivim za ozbiljan profesionalni prekršaj od strane nadležnog suda u periodu od pet godina i da je taj prekršaj prethodio datumu podnošenja zahtjeva;
 - da je ispunio obaveze u vezi s plaćanjem doprinosa za zdravstveno osiguranje i penziono-invalidsko osiguranje u skladu s relevantnim zakonskim odredbama u Bosni i Hercegovini;
 - da je ispunio obaveze u vezi s plaćanjem poreza u skladu s relevantnim zakonskim odredbama u Bosni i Hercegovini;
- (2) Upravni odbor Fonda će posebnom odlukom sastaviti listu organa u Bosni i Hercegovini koji su nadležni za izdavanje dokumenata kojima se dokazuje ispunjenje uslova.
 - (3) Dopunski uslovi koje moraju ispunjavati korisnici sredstava Fonda će biti razrađeni drugim aktom Fonda koji donosi Upravni odbor Fonda.
 - (4) Posebni uslovi, ukoliko bude potreba, a koji su specifični za svaki pojedinačni javni poziv ili pojedinačne LOT-ove unutar javnog poziva, kao i dokumenti kojima se dokazuje ispunjenje posebnih uslova, će biti precizirani Javnim pozivom.

Član 5.

Ovaj Pravilnik stupa na snagu davanjem saglasnosti od strane Ministarstva trgovine, turizma i zaštite okoliša HNK, a bit će objavljen u „Službenim novinama Hercegovačko – neretvanskog kantona“.

**Bosna i Hercegovina
Federacija Bosne i Hercegovine
Hercegovačko – neretvanski kanton
Fond za zaštitu okoliša Hercegovačko – neretvanskog kantona
UPRAVNI ODBOR**

**Broj: UO-___/13
Mostar, 03.07.2013. godine**

PREDSJEDNIK

Alisa Hajdarović